

KRATKO, KRATKOCIJEVNO, SPORTSKO I LOVAČKO ORUŽJE I MUNICIJA

Kratko ili kratkocijevno vatreno oružje je oružje do kalibra 13,97 mm ili 0,55 inča, čija cijev nije duža od 30 cm, a ukupna dužina ne prelazi 60 cm.

Sportsko oružje je dugo vatreno oružje, sa ili bez optičkog nišana, glatkih cijevi do kalibra 12 mm, užlijebljenih cijevi do kalibra 8,61 mm, odnosno 0,338 inča i kratko oružje do kalibra 11,43 mm, odnosno 0,45 inča, te drugo oružje koje se koristi u sportskim disciplinama.

Lovačko oružje je lovačka puška, sa ili bez optičkog nišana, kalibra 4 - 36 (glatka cijev) ili lovački karabin kalibra 6,5 - 8 mm (užlijebljena cijev) koji se koristi radi bavljenja lovom.

Municijom se smatraju se: meci, patrone, čahure sa kapislama, kapisle, zrna, zrna (kuglice-dijabole) za vazdušno oružje, kugle, sačma, barut kao i signalna, anestetična i gasna punjenja, čija je osnovna namjena korištenje za navedena oružja.

Prenos oružja i municije preko državne granice (privremeni uvoz/izvoz/tranzit kratkog, kratkocijevnog, sportskog i lovačkog oružja i municije) podrazumijeva prenošenje oružja i municije, državljana Bosne i Hercegovine ili stranih državljana, koji prilikom kontrole posjeduju potrebnu dokumentaciju.

1. PROPISI

- [Pravilnik o načinu obavljanja kontrole prenosa oružja i municije preko državne granice \("Službeni glasnik BiH", broj 32/10\)](#)
- [Uputstvo o načinu i postupku regulisanja privremenog uvoza, privremenog izvoza i tranzita sportskog i lovačkog oružja i municije \("Službeni glasnik BiH", broj 19/10\)](#)

2. PRAVILNIK O NAČINU OBAVLJANJA KONTROLE PRENOSA ORUŽJA I MUNICIJE PREKO DRŽAVNE GRANICE

Ovim pravilnikom propisuje se način obavljanja kontrole privremenog uvoza, izvoza i tranzita kratkog, kratkocijevnog, sportskog i lovačkog oružja i municije preko državne granice, koju provode službenici Granične policije BiH i službenici Uprave za indirektno oporezivanje BiH, prilikom kontrole državljana Bosne i Hercegovine i stranih državljana.

Ovim pravilnikom je definisano da je prenos kratkog, kratkocijevnog, sportskog i lovačkog oružja i municije moguć na svim međunarodnim graničnim prelazima.

3. NADLEŽNOST CARINE

Kratko i kratkocijevno oružje i municija

Prilikom prenosa kratkog ili kratkocijevnog vatrene oružja i municije preko državne granice Bosne i Hercegovine, policijski službenik GP BiH i carinski službenik UIO, zajedno vrše kontrolu i provjeravaju da li osoba koja prenosi oružje i municiju posjeduje odgovarajuće odobrenje izdato od nadležnog organa.

U slučaju kada osoba posjeduje potrebnu dokumentaciju, popunjava [Obrazac zahtjeva za privremeni uvoz/privremeni izvoz/tranzit kratkog i kratkocijevnog oružja i municije](#), u tri primjerka, i predaje carinskom službeniku UIO na daljnje postupanje.

Nakon provedenog carinskog postupka, carinski službenik UIO obrazac zahtjeva za prenošenje oružja i municije preko državne granice ovjerava na propisani način.

Lovačko oružje i municija

Prilikom prenošenja lovačkog oružja i municije preko državne granice Bosne i Hercegovine, policijski službenik GP BiH i carinski službenik UIO, zajedno vrše kontrolu i provjeravaju da li osoba koja prenosi oružje i municiju posjeduje odobrenje izdato od nadležnog organa za nošenje oružja i poziv lovačkog društva ili dokaz o članstvu u lovačkom društvu druge države.

U slučaju kada osoba posjeduje potrebnu dokumentaciju, popunjava [Obrazac zahtjeva za privremeni uvoz/privremeni izvoz/tranzit sportskog i lovačkog oružja i municije](#) preko državne granice u tri primjerka, i predaje carinskom službeniku UIO na dalje postupanje.

Nakon provedenog carinskog postupka, carinski službenik UIO obrazac zahtjeva za prenošenje oružja i municije preko državne granice ovjerava na propisani način.

Sportsko oružje i municija

Prilikom prenošenja sportskog oružja i municije preko državne granice Bosne i Hercegovine, policijski službenik GP BiH i carinski službenik UIO, zajedno vrše kontrolu i provjeravaju da li osoba koja prenosi oružje i municiju posjeduje odobrenje izdato od nadležnog organa za nošenje oružja i poziv organizatora sportskog takmičenja.

U slučaju kada osoba posjeduje potrebnu dokumentaciju, popunjava [Obrazac zahtjeva za privremeni uvoz/privremeni izvoz/tranzit sportskog i lovačkog oružja i municije](#) preko državne granice u tri primjerka, i predaje carinskom službeniku UIO na dalje postupanje

Nakon provedenog carinskog postupka, carinski službenik UIO obrazac zahtjeva za prenošenje oružja i municije preko državne granice ovjerava na propisani način.

U [Uputstvu o načinu i postupku regulisanja privremenog uvoza, privremenog izvoza i tranzita sportskog i lovačkog oružja i municije](#) ("Službeni glasnik BiH", broj 19/10) definisana su sva ostala pitanja u vezi privremenog uvoza, izvoza i tranzita sportskog i lovačkog oružja i municije.

4. KONTAKT

Za detaljnije informacije u vezi privremenog uvoza, izvoza i tranzita kratkog, kratkocijevnog, sportskog i lovačkog oružja i municije možete se obratiti Glavnoj kancelariji UIO, Sektor za carine, Odsjek za zaštitu intelektualne svojine, zabrana i ograničenja.